



La Val y le Raas se partësc i punc al'ultima de campionat. I ladins se arjüma ia de bones ocajiuns por jì en vantaje, cis tla secunda pert dla partida.

□

□

En domënia é ruvá i avversars da Raas a La Val por l'ultima de campionat. La Val pro ciamó de stlù jö bun le rode d'aisciüda, ala fin saltel fora en punt porom, cun les scuadres che süga ala pêr tl pröm tēmp. Tla secunda fraziun é spo i padruns de ciasa che se arjüma ia de gran ocagiuns por fa le secundo gol.

La partida mēt man sot na gran plöia y bel dô püc menüc é l'atacant dl Raas che se fej lerch al limit y pro na trata sön le pé lunch de porta che röia por fortüna dlungia ia. La Val che se sēnta sot a presciun se sblochëia tosc cun Michele che fej só le palé y crossëia amez, le defensur dl Raas é asvelt y deviada por püch te ciantun. A gauja dl terëgn môl y pesoch é ince le jüch limité, les aziuns vëgn impostades bun, mo i sogadus stēnta da controlé le palé che sprinza da vigne pert. Al 30^a menüt de jüch pëia ia Michele te area avversara y vëgn contrasté da dui defensurs, le fal é evidënt y l'arbiter mostra sön le punt di önescmetri. Al é le capitan Marco Castlunger che se presentëia ala trata y la trasformëia tl 1 a 0. Le vantaje por La Val dūra püch che le Raas pordüj bel a avalié le resultat. Por en fal defensif vëgn conzedü na puniziun a püc metri dal limit. La trata basa é sēcia sön le pé lunch de porta, le palé rimbalzeia sön le terëgn môl y sprinza dlungia le pé de porta ite, le portier Julian ne röia nia a tignì sö le curan.

Dan le pröm tēmp ne gareta plö degüna ocagiun y insciö pó i sogadus jí te cabina a se stricuré sön le pêr dl 1 a 1.

Al 55^a é spo Michele che á sön le pé l'ocagiun por radoplé le resultat: Marco Sottara fej en bun laur sön na pert y passa amez por l'atacant che röia cun sbunf cuntra porta, a trëi metri dan le verdaporta ne abina chësc nia bun le palé y le fej rové da na pert fora.

Le jüch mēt man da se fa grô, plö iadi mëss le arbiter architè le jüch por contrasc y tra fora ince val amoniziun. Al 70^a é Adrian apëna ruvé te ciamp che vega na bela trata sön la passaja dal

mezciamp a giré sön le pé lunch de porta, al ne töl nia jö bun les mosöres y fej ruvé le curan de n pulan dlungia le pé de porta ia. I avversars da Raas röia ma plö sö dainré dan porta ladina y gran ocapiuns da gol ne pon nia alzé fora. Ti ultims menüc de jüch prô ciamó La Val de se porté in vantaje. Le palé concuisté amez ciamp fej pié ia na gran ripartënza da pert d La Val, le palé röia a Christian D. che ti sciampa al defensur da na pert y mêt amez n gran preparatif: le pröm a ruvé sön le palé é Freddy che ess ma plö bria de apogé le curan te rëi, chësc ne suzed indere nia, la trata bassa vëgn rebatüda dal pé de porta. Al ne passa tröp tēmp che l'arbiter fej ruvé la partida, en resultat dala saû antia che ess podü ester miú sce les ocapiuns foss gnüdes anuzades sciöche al toca.

Le campionat é ince por La Val ruvé a piz. I resultat debli dles ultimes partidas ne ti á nia plö pormetü ai ladins de sté al vare cun les atres concorētes y é insciö toma zeruch de tlassamēnt. Insciö se archita la squadra al 5° y va tla palsa da d'isté por scomencé la nōia sajun de terza categoria da d'altonn.

La Val – Raas : 1-1

Formaziun La Val: 1. Julian Moling, 2. Paolo Vallazza (dal 75[^] Werner Sottara), 3. Luca Pescollderung, 4. Martin Ploner, 5. Marco Castlunger - capitan, 6. Freddy Sottara, 7. Christian Dapoz, 8. Max Nagler, 9. Alexander Miribung (dal 55[^] Adrian Miribung) 10. Michele Campeï (dal 65[^] Alex Elzenbaumer), 11. Marco Sottara (dal 60[^] Felix Nagler)

Gol por La Val: Marco Castlunger al 30[^]

Atri resultac:

Altherren: Dietenheim - La Val 2-1

U-10: Taufers I – La Val 3-1

30/08	La Val	-	Predoi	3	-	0
06/09	Villabassa	-	La Val	2	-	0
13/09	La Val	-	Teodone	0	-	1
20/09	Perca	-	La Val	1	-	2
27/09	La Val	-	Sesto	2	-	1
04/10	S. Giorgio J.	-	La Val	1	-	2
11/10	Val Badia	-	La Val	1	-	0
18/10	La Val	-	Val Casies	3	-	1
25/10	Selva Molini	-	La Val	3	-	1
31/10	La Val	-	Monte Elmo	2	-	1
08/11	Rasa	-	La Val	1	-	1
20/03	Predoi	-	La Val	2	-	2
26/03	La Val	-	Villabassa	1	-	0
03/04	Teodone	-	La Val	0	-	1
10/04	La Val	-	Perca	3	-	1
17/04	Sesto	-	La Val	1	-	0
24/04	La Val	-	S. Giorgio J.	3	-	0
01/05	La Val	-	Val Badia	0	-	3
08/05	Val Casies	-	La Val	1	-	0
15/05	La Val	-	Selva Molini	0	-	1
22/05	Monte Elmo	-	La Val	0	-	4
29/05	La Val	-	Rasa	1	-	1

	Squadra	Pt	G	V	N	P	GF	GS	DR	VC	NC	PC	VF	NF	PF	MI
1	Val Badia	54	22	17	3	2	54	14	40	8	2	1	9	1	1	10
2	Sesto	45	22	14	3	5	35	18	17	9	1	1	5	2	4	1
3	Teodone	42	22	12	6	4	40	18	22	6	3	2	6	3	2	-2
4	Selva Molini	41	22	11	8	3	46	29	17	8	3	0	3	5	3	-3
5	La Val	36	22	11	3	8	31	23	8	7	1	3	4	2	5	-8
6	Perca	33	22	10	3	9	41	36	5	6	3	2	4	0	7	-11
7	Rasa	27	22	7	6	9	31	33	-2	4	4	3	3	2	6	-17
8	Villabassa	26	22	7	5	10	25	30	-5	6	1	4	1	4	6	-18
9	Val Casies	24	22	7	3	12	36	50	-14	6	1	4	1	2	8	-20
10	S. Giorgio J.	18	22	5	3	14	23	52	-29	5	1	5	0	2	9	-26
11	Predoi	17	22	4	5	13	23	42	-19	4	3	4	0	2	9	-27
12	Monte Elmo	7	22	1	4	17	28	68	-40	0	3	8	1	1	9	-37